

**Headline** "Semua merasa"  
**Date** 29. May 2008  
**Media Title** Utusan Malaysia  
**Section** Pendidikan  
**Circulation** 238082  
**Readership** 833287

**Language** MALAY  
**Page No** 6  
**Article Size** 868 cm<sup>2</sup>  
**Frequency** Daily  
**Color** Full Color



MUKA

6

Utusan Malaysia • Khamis 29 Mei 2008

Keluaran Khas Kementerian Pelajaran

**Titian**

## "Semua Merasa"

1. Pengalaman mengajar para guru semasa dalam skim bukan siswazah DGA29 akan diambil kira untuk pertimbangan kenaikan gred secara *time-based* setelah berada dalam skim siswazah iaitu dari Gred DG41 ke DG44. Kaedah yang digunakan ialah setiap 3 tahun pengalaman di Gred DGA29 dikira sebagai 1 tahun pengalaman di Gred DG41 tertakluk kepada had maksimum pengiraan 3 tahun pengalaman DG41.

2. Guru Gred DG41 dari skim bukan siswazah yang memegang jawatan Guru Besar akan dipertimbangkan untuk kenaikan pangkat ke Gred DG44 selepas 3 tahun berkhidmat sebagai Guru Besar di Gred DG41.

3. Menambahbaik skim cemerlang dengan memendekkan syarat tempoh kelayakan dari 7 tahun kepada 5 tahun

pengalaman mengajar untuk jawatan Guru Cemerlang DGA32 dari Gred asal DGA29 dan jawatan Guru Cemerlang DG44 dari Gred asal DG41. Manakala, bagi pegawai yang telah dinaikkan pangkat Guru Cemerlang di sesuatu Gred, boleh dipertimbangkan kenaikan pangkat ke Gred selanjutnya tanpa perlu menunggu tempoh 3 tahun perkhidmatan dalam Gred yang sedang disandang.

4. Sepuluh peratus daripada kuota 1,700 jawatan Guru Besar Cemerlang DGA38 yang diperuntukkan kepada skim guru bukan siswazah diperlakukan kepada Pengelola dan Guru yang berkhidmat di Kementerian Pelajaran, Jabatan Pelajaran Negeri dan Pejabat Pelajaran Daerah dengan syarat mereka menunjukkan prestasi yang cemerlang.

5. Menaikkan Gred Pegawai Pelajaran Daerah (PPD) dari Gred DG48 ke Gred DG52 dan DG54 dan menyeragamkan struktur Pejabat Pelajaran Daerah di seluruh negara dengan memansuhkan Pejabat Pelajaran Gabungan bagi Sabah dan Sarawak. Penambahbaikan ini akan mewujudkan ratusan jawatan kenaikan pangkat baru untuk para guru yang berkhidmat di Pejabat Pelajaran Daerah.

6. Meluluskan Cadangan Penstrukturan Baru Kementerian Pelajaran Malaysia selepas kali terakhir distrukturn pada 1995 untuk memantapkan sistem penyampaian pendidikan di semua peringkat. Peringkat awal kelulusan ini melibatkan pertambahan jawatan dan kenaikan gred bagi Jawatan Pengurusan Tertinggi dan Ketua Bahagian dari 54 hingga ke JUSA A.



## Tokoh Kepimpinan 2008

Dato' Haji Rashdi bin Ramli  
P.L.S., P.M.P., A.M.N., D.P.M.P

Tokoh ini dilahirkan di Segamat Johor Darul Takzim pada tanggal 8 Oktober 1947. Beliau mendapat pendidikan awal di Sekolah Kebangsaan Buluh Kasap, Segamat, Johor (1954-1959). Pendidikan menengah di Kolej Melayu Kuala Kangsar, Perak (1960 -1964). Seterusnya beliau menyambung pelajaran di Universiti of New England, Armidale, NSW, Australia (1965-1969) dan Universiti of Sussex, Brighton, United Kingdom (1984-1985).

Tokoh ini mula berkhidmat sebagai guru besar pada 1970-1975. Beliau banyak menimba pengalaman dalam kerjaya sebagai seorang pengetua di beberapa buah sekolah menengah di Johor (1975-1987) dan Pengetua Kolej Melayu Kuala Kangsar, Perak (1988-1992), Pegawai Pendidikan Daerah Batu Pahat (1993-1994), Pegawai Pelajaran Daerah Muar (1994-1995), Ketua Sektor, JPN Johor (1995-1996), Timbalan Pengarah Bahagian Sekolah KPM (2001), Timbalan Ketua Pengarah Pelajaran Malaysia, Jabatan Sekolah (2001-2003).

Pelbagai sumbangan telah diberi semasa dalam perkhidmatan antaranya projek khas sekolah di Sekolah Tinggi Batu Pahat Johor (1982-1984), melancarkan Program Pertukaran Guru -Teacher Exchange (1995), membina Pusat Kokurikulum, Jabatan Pelajaran Johor yang dirasmiakan oleh Ketua Pengarah Pelajaran Malaysia (2000-2001).

Walaupun telah bersara wajib pada 7 Oktober 2003, namun persaraan ini bukanlah noktah akhir bagi beliau menabur bakti dalam dunia pendidikan. Beliau telah dilantik sebagai Pengarah Projek Universiti Johor dan Pendidikan Al-Bukhary Sdn. Bhd.

Atas sumbangan jasa bakti yang telah ditaburkan, beliau telah dianugerahkan pingat kebesaran antaranya P.I.S Johor (1981), P.M.P. Perak (1990), A.M.N. (1998) dan D.P.M.P. Perlis (2002). Beliau juga telah menerima Anugerah Perkhidmatan Cemerlang KPM pada 1991 dan 1997 serta dipilih sebagai Tokoh Guru Negeri Johor 2006.

## Guru Cemerlang Pendidikan Khas 2008

Datin Hazimah bt Che Embi,  
SMK Tunku Ampuan Durah, Jalan  
Sikamat, Seremban, Negeri  
Sembilan.

Cikgu Hazimah atau nama penuhnya Datin Hazimah binti Che Embi adalah anak kelahiran negeri Pulau Pinang tetapi kini telah menetap di Seremban, Negeri Sembilan. Hasil perkongsian hidupnya dengan suami tersayang, Datin Hazimah telah dikurniakan dengan seorang puteri.

Cikgu Hazimah mula bersekolah di Residency Road Girls School, Pulau Pinang pada tahun 1960 dan seterusnya ke SR Bukit Gelugor sebelum melanjutkan pelajaran menengahnya di St. George Girls Pulau Pinang. Setelah menamatkan persekolahan, beliau menyambung pelajarannya di Maktab Perguruan Ilmu Khas (MPK) bagi mendapatkan sijil perguruan pada tahun 1975. kemudian pada tahun 1989 sekali lagi Cikgu Hazimah kembali ke MPK bagi mendalamai ilmu pendidikan khas khususnya dalam bidang bermasalah pembelajaran. Seterusnya pada tahun 1990 beliau telah menyambung pelajaran ke peringkat ijazah di Universiti Pertanian Malaysia.



Cikgu Hazimah sangat aktif dan telah banyak memberikan sumbangan dalam bidang pendidikan khas. Bermula sebagai penyelia petang di Sekolah Rendah Pendidikan Khas Seremban pada tahun 1990, beliau telah berhijrah ke SMKA Sheikh Hj. Mohd Said Seremban dan diberi tugas sebagai Ketua Panitia. Seterusnya pada tahun 1995 dilantik pula sebagai Penyelia Pendidikan Khas di SMK Tunku Ampuan Durah Seremban. Di samping itu, Cikgu Hazimah diberi tanggungjawab sebagai Penyelaras Program Nilam Murid-murid Pendidikan Khas serta penyelaras Program Permata bagi murid

bermasalah pendengaran. Beliau juga adalah AJK Penetapan Azam Pendidikan Khas dan Majlis Restu PMR bagi murid Bermasalah Pendengaran.

Cikgu Hazimah kemudiannya diberi tugas sebagai Pengerusi Jawatankuasa Tindakan Meningkat Penguasaan Bahasa Insyarat Bahasa Inggeris Bermasalah Pendengaran peringkat Negeri Sembilan dan Penyelaras Program Genggam Bara Pendidikan Khas Bermasalah Pendengaran. Cikgu Hazimah juga seorang AJK Majlis Tadarus Al-Quran Pendidikan Khas Negeri Sembilan pada tahun 2005. beliau juga telah melibatkan murid-murid Pendidikan Khas SMK Tunku Ampuan Durah dengan Program Hitachi Young Initiative Federation of The Deaf.

Cikgu Hazimah seterusnya diberi tanggungjawab sebagai Pengerusi Tindakan Meningkat Kemahiran Mengejawab Soalan Pemahaman Bahasa Melayu Pendidikan Khas dan Penyelaras Program Kelas Gemilang SMK Tunku Ampuan Durah. Dan apa yang membanggakan adalah beliau telah berusaha dan berjaya menubuhkan kelas Tingkatan 4 (Pendidikan Khas) pada tahun 2008 di SMK Tunku Ampuan Durah, Seremban.